

ISSN: 2181-9416



ЮРИСТ АХБОРОТНОМАСИ

ВЕСТНИК ЮРИСТА * LAWYER HERALD

ҲУҚУҚИЙ, ИЖТИМОИЙ, ИЛМИЙ-АМАЛИЙ ЖУРНАЛ



CYBERLENINKA



НАУЧНАЯ ЭЛЕКТРОННАЯ
БИБЛИОТЕКА
LIBRARY.RU



ISSN 2181-9416
Doi Journal 10.26739/2181-9416

ЮРИСТ АХБОРОТНОМАСИ

5 СОН, 1 ЖИЛД

ВЕСТНИК ЮРИСТА

НОМЕР 5, ВЫПУСК 1

LAWYER HERALD

VOLUME 5, ISSUE 1



TOSHKENT-2021

МУНДАРИЖА

КОНСТИТУЦИЯВИЙ ҲУҚУҚ. МАЪМУРИЙ ҲУҚУҚ.
МОЛИЯ ВА БОЖХОНА ҲУҚУҚИ

1. РАХМАНОВ Абдумухтор Режжаббаевич

МАРКАЗИЙ ОСИЁДА ИСЛОМ МОЛИЯ ҲУҚУҚИ: ТАРИХИ ВА БУГУНГИ КУН

ФУҚАРОЛИК ҲУҚУҚИ. ТАДБИРКОРЛИК ҲУҚУҚИ.
ОИЛА ҲУҚУҚИ. ХАЛҚАРО ХУСУСИЙ ҲУҚУҚ

2. ЭРКАБАЕВА Шахноза Икромжоновна

РАЗНООБРАЗИЕ ОРГАНИЗАЦИОННЫХ И ПРАВОВЫХ ФОРМ - АНАЛОГИ
ОГРАНИЧЕННОГО ПАРТНЕРСТВА (LIMITED PARTNERSHIP) 15

МЕҲНАТ ҲУҚУҚИ. ИЖТИМОИЙ ТАЪМИНОТ ҲУҚУҚИ

3. ТОШОВ Мухаммад Ражабович

КОРХОНА ТУГАТИЛГАНЛИГИ АСОСИГА КЎРА МЕҲНАТ ШАРТНОМАСИНИ БЕКОР
ҚИЛИШНИНГ АЙРИМ МАСАЛАЛАРИ 24

ЖИНОЯТ ҲУҚУҚИ, ҲУҚУҚБУЗАРЛИКЛАРНИНГ ОЛДИНИ ОЛИШ.
КРИМИНОЛОГИЯ. ЖИНОЯТ-ИЖРОИЯ ҲУҚУҚИ

4. ТУРГУНБОЕВ Элбекжон Одилжонович

ЖАЗОДАН ОЗОД ҚИЛИШНИ БЕЛГИЛОВЧИ ЖИНОЯТ ҚОНУНИ
НОРМАЛАРИНИНГ РИВОЖЛАНИШ ТАРИХИ 32

5. ХАЙДАРОВ Мирислом Мирджаббарович

ЖИНОЯТ ҚОНУНЧИЛИГИДА ОЗОДЛИКНИ ЧЕКЛАШ ЖАЗОСИ
ВУЖУДГА КЕЛИШИНИНГ РЕТРОСПЕКТИВ ТАҲЛИЛИ 39

6. АБДУҚОДИРОВ Фарходжон Фахритдин ўғли

ЖИНОЯТ МОТИВИ ВА МАҚСАДИНИНГ ТАЛОНЧИЛИКНИ КВАЛИФИКАЦИЯ
ҚИЛИШДАГИ АҲАМИЯТИ 47

7. ДЖУРАЕВА Анора Заппаровна

СОВРЕМЕННЫЕ КОНЦЕПЦИИ ПРОФИЛАКТИКИ ПРАВОНАРУШЕНИЙ
НЕСОВЕРШЕННОЛЕТНИХ 54

ЖИНОЯТ ПРОЦЕССИ. КРИМИНАЛИСТИКА, ТЕЗКОР-ҚИДИРУВ ҲУҚУҚ
ВА СУД ЭКСПЕРТИЗАСИ

8. НОРОВА Насиба Аазматовна

ПРОЦЕССУАЛЬНЫЙ СТАТУС ПЕДАГОГА И ПСИХОЛОГА КАК
УЧАСТНИКОВ, ОБЕСПЕЧИВАЮЩИХ ИНТЕРЕСЫ НЕСОВЕРШЕННОЛЕТНИХ
В УГОЛОВНОМ ПРОЦЕССЕ 61

9. САМАТОВ Тўлқин Азизович

НОДАВЛАТ СУД ЭКСПЕРТИЗАСИ ҚОНУН ҲИМОЯСИДА ОЛДИНГИ САФДА 69

МУНДАРИЖА / СОДЕРЖАНИЕ / CONTENT

10. ХАСАНОВ Шавкатбек Хайбатуллаевич	75
ЭКСПЕРТИЗА ЙЎЛИ БИЛАН ОЛИНГАН ДАЛИЛЛАРНИНГ ИШОНЧЛИЛИГИНИ ТАЪМИНЛАШ.....	75

ХАЛҚАРО ҲУҚУҚ ВА ИНСОН ҲУҚУҚЛАРИ

11. ЮНУСОВ Ҳайдарали САРАХСИЙНИНГ ХАЛҚАРО-ҲУҚУҚИЙ ҚАРАШЛАРИ ЁХУД ЎЗБЕКИСТОН – ХАЛҚАРО ҲУҚУҚ ВАТАНИ	83
12. ҒАФУРОВ Асқар Бойисович ИНСОН ҲУҚУҚ ВА ЭРКИНЛИКЛАРИНИ ТАЪМИНЛАШНИНГ КОНСТИТУЦИЯВИЙ-ҲУҚУҚУҚИЙ КАФОЛАТЛАРИ	95
13. АЗХОДЖАЕВА Роза Алтыновна СОВРЕМЕННЫЕ КОНЦЕПЦИИ ПРАВА НА ОХРАНУ ЗДОРОВЬЯ В МЕЖДУНАРОДНОМ ПРАВЕ И ИХ ОБЕСПЕЧЕНИЕ В РЕСПУБЛИКЕ УЗБЕКИСТАН.....	101
14. ARSLONOVA Robiya ACHIEVEMENTS AND PRIORITY AREAS OF HUMAN RIGHTS EDUCATION IN UZBEKISTAN	109
15. ПУЛАТОВА Нодирахон Собиржоновна ИНСОН ҲУҚУҚЛАРИНИ ҲИМОЯ ҚИЛИШДА ЭЛЕКТРОН ОДИЛ СУДЛОВ ВА СУД ҲУЖЖАТЛАРИ	117

ҲУҚУҚИЙ АМАЛИЁТ

16. ҲАМРОҚУЛОВ Синдор Бобомурод ўғли ЖИСМОНИЙ ВА ЮРИДИК ШАХСЛАРНИНГ МУРОЖААТЛАРИ БИЛАН ИШЛОВЧИ ХОДИМЛАР МАЛАКАСИНИ ОШИРИШНИНГ АҲАМИЯТИ.....	127
--	-----

ЮРИСТ АХБОРОТНОМАСИ ВЕСТНИК ЮРИСТА LAWYER HERALD

САМАТОВ Тўлқин Азизович
«PROEX» нодавлат суд-экспертиза ташкилоти раҳбари

НОДАВЛАТ СУД ЭКСПЕРТИЗАСИ ҚОНУН ҲИМОЯСИДА ОЛДИНГИ САФДА

For citation (иқтибос келтириш учун, для цитирования): САМАТОВ Т.А. Нодавлат суд экспертизаси қонун ҳимоясида олдинги сафда // Юрист ахборотномаси – Вестник юриста – Lawyer herald. № 5 (2021) Б 69-74.

 5 (2021) DOI <http://dx.doi.org/10.26739/2181-9416-2021-5-9>

АННОТАЦИЯ

Мақолада Республикада суд экспертизаси соҳасида амалга оширилаётган ислохотлар келтирилган. Ҳукумат томонидан суд экспертизасини ривожлантиришга қаратилган қонун ва Президент қарорлари, уларни ижросига қаратилган амалга оширилган чора-тадбирларда батафсил тўхталиб ўтилган. Суд экспертиза соҳасининг айрим муаммоларини ечишнинг самарали йўллари санаб кўрсатилган. Нодавлат суд экспертиза институти фаолиятининг бир қатор афзаллик томонлари кўрсатиб ўтилган. Ушбу институтни йўлга қўйиш ва мустаҳкамлаш натижасида, ҳуқуқни муҳофаза қилувчи органлар ва судларнинг малакали суд экспертиза хулосаларига бўлган эҳтиёжлари қондирилишига, экспертиза тадқиқотларини ўтказиш муддатларини қисқартирилишига, ҳамда экспертиза соҳасида соғлом рақобатни шакллантирилишга имкон яратилиши курсатиб берилган..

Калит сўзлар: Суд экспертизаси, Қонун, қарор, нодавлат суд экспертиза хизмати, экспертлар, ҳуқуқлар.

САМАТОВ Тулқун Азизович

Руководитель негосударственной судебной-экспертной организации «PROEX»

НЕГОСУДАРСТВЕННАЯ СУДЕБНАЯ ЭКСПЕРТИЗА В РЯДАХ ЗАЩИТЫ ЗАКОНА

В статье приведены проводимые в стране реформы в области судебной экспертизы. Подробно рассматриваются законодательство правительства и указы Президента, направленные на развитие судебной экспертизы, и меры, принимаемые по их реализации. Перечислены эффективные способы решения некоторых проблем в области судебной экспертизы. Показан ряд преимуществ деятельности негосударственного института судебной экспертизы. При внедрении и укреплении этого института, можно будет удовлетворить потребности правоохранительных органов и судов в квалифицированных судебных экспертизах, сократив при этом время проведения экспертизы и создать здоровую конкуренцию в области судебной экспертизы.

Ключевые слова: судебная экспертиза, закон, указ, негосударственная судебная-экспертная служба, эксперты, права.

NON-STATE JUDICIAL EXAMINATION IN THE ADVANCED RANGE LAW PROTECTION

ANNOTATION

The article describes the ongoing reforms in the country in the field of forensic examination. The Law and presidential decrees aimed at the development of forensic expertise and measures taken to implement them are examined in detail. The effective ways of solving some problems in the field of forensic examination are listed. It is reported that a legal and organizational framework has been developed for the creation of a non-state forensic expert service in the country, on which this service was created and is currently working successfully. A number of advantages of the activity of the non-state institution of forensic examination are shown. The experience of many foreign countries in this regard is cited as an example. As a result of the creation and strengthening of this institution, it will be possible to satisfy the needs of law enforcement agencies and courts in qualified forensic examinations, reduce the time for conducting examinations and create healthy competition in the field of examination.

Keywords: Forensic examination, Law, Decrees, non-state forensic expert service, experts, law.

Ахборот компьютер технологиялари соҳасидаги ижтимоий-иқтисодий ўзгаришлар, илмий-техникавий тараққиёт ва ахборот асрига кириш билан боғлиқ бўлган XX аср охирида бошланган мамлакатимиз ҳаётининг барча соҳаларидаги глобал ўзгаришлар замонавий жиноятчилик табиатига ҳам таъсир кўрсатди. Замонавий техник воситалардан жиноий мақсадларда фойдаланиш натижасида нафақат ижтимоий жиҳатдан хавфли, балки юқорига кўтарилиш тенденциясини ҳам йўқотмади.

Фуқаролик, ҳакамлик судлари, маъмурий ва жиноий суд ишларида кўплаб қийинчиликлар мавжуд бўлиб, бу соҳалардаги ижтимоий муносабатларни ҳуқуқий тартибга солишни такомиллаштириш, уларнинг инсонпарварлик, рақобатдошлик даражасини ошириш ва, энг муҳими, барча ихтисослаштирилган билимлардан суд жараёнларида фойдаланишни талаб қилади.

Қонунчилик ва ҳуқуқ-тартиботни таъминлаш, жиноят ишлари бўйича ҳақиқатни аниқлашда суд экспертизасининг ҳам ҳиссаси бор. Шу боис, Республикаимизда суд экспертиза фаолиятига, ушбу соҳани янада такомил-лаштиришга алоҳида эътибор қаратилмоқда. Жумладан, суд экспертиза соҳасидаги муносабатларни тартибга солиш мақсадида Ўзбекистон Республикасининг "Суд экспертизаси тўғрисида"ги Қонуни [1] қабул қилинди ва ушбу хизматни ташкилий масалаларини белгилаб берган Йўриқнома тасдиқланди [2]. Ўзбекистон Республикаси Президентининг 2017 йил 8 февралдаги "Қонун ҳужжатларини тарқатиш тизимини тубдан такомиллаштириш чора-тадбирлари тўғрисида"ги Қарорида эса суд экспертизаси фаолиятини янада ривожлантиришнинг устувор йўналишларини ишлаб чиқиш, суд экспертларини тайёрлаш ва малакасини ошириш соҳасидаги ишларни мувофиқлаштириш ҳамда суд экспертизаси соҳасидаги тизимли муаммоларни комплекс ўрганиш ва уларни ҳал этишга доир илмий асосланган таклифлар ва таъсирчан механизмларни ишлаб чиқиш вазифалари белгилаб берилди [3].

Шунга кўра, суд-экспертлик фаолиятига нисбатан барча катта талаблар қўйила бошланди, томонлар ва суд экспертиза тадқиқотлари учун объектив далилларни тақдим эта бошлади. Ва тушунарли, суд экспертлик фаолиятини ҳуқуқий тартибга солиш, илмий, услубий ва ташкилий жиҳатдан қўллаб-қувватлаш ва бу фаолиятнинг концептуал асосларини, назарий ва амалий масалаларини замонавий ва замонавий шаклларда ривожлантириш, давлат суд экспертиза муассасалари ва нодавлат суд экспертиза ташкилотлари фаолиятидаги камчиликлар аниқлаш ҳамда уларни баратараф этиш бўйича фаолият олиб борилмоқда.

Ҳозирги кунда мамлакатимизда суд экспертиза фаолияти фаол равишда

ривожланаётган бўлса-да, тўпланган назарий материаллар ва тажрибалар ҳанузгача амалга етарлича татбиқ қилинмаган, бу фаолиятнинг кўпгина қоидалари нафақат тасдиқлашни, балки доимий равишда, айниқса унинг аниқ назарий базасини қайта кўриб чиқишни талаб қилмоқда. Шундай қилиб, суд процесслари, суд-экспертизасини ташкил қилиш ва ўтказиш соҳасида тўпланган назарий билим ва амалий тажрибани таҳлил қилиш, суд экспертлик фаолиятини янада ривожлантириш, суд экспертларининг профилактик фаолияти хусусий назарияси, суд экспертнинг коммуникатив фаолиятининг шакллари ва воситалари, экспертиза (тадқиқотлар) натижаларини расмийлаштириш, суд-экспертлик фаолиятининг ташкилий, илмий-услубий ва ахборотли таъминоти ҳамда психологик асослари, суд экспертларининг иш фаолиятини ташкил этиш каби масалаларни чуқур ўрганиш ва умумлаштириш зарур.

Бу борада давлат суд экспертиза муассасалари ва нодавлат суд экспертиза ташкилотларитизиминитакотиллаштириш, уларнинг янги функцияларини ишлаб чиқиш ва суд-экспертлик фаолиятини оптималлаштириш усулларини топиш муаммолари диққатга сазовордир. Бу нуқтаи назардан Ўзбекистон Республикаси Президентининг 2019 йил 17 январдаги ПҚ-4125-сон “Суд-экспертлик фаолиятини янада такомиллаштириш чоратadbирлари тўғрисида”ги қарори билан, ҳозирги кунда Республикамизда суд-экспертлик фаолияти билан давлат суд экспертиза муассасалари билан бир қаторда нодавлат суд-экспертиза ташкилотлари [4] ҳам шуғулланишига рухсат берилди. Мазкур қарор суд экспертизаларни ўтказиш муддатларини сезиларли қисқартириш ва тадқиқотларни тезкорлик билан ўтказиш, эксперт хулосаларини ишончлилигини янада оширишга имкон яратди. Чунки, охириги вақтларда давлат суд экспертиза муассасаларининг иш юктамаси ортиб кетиб суд экспертлари экспертизалар ўтказиш муддатларига амал қила олмай қолганди ва натижада тегишли ишларни судда кўриш муддатларини чўзилиб кетишиги сабаб бўлаётганди.

Бундай вазиятдан чиқишнинг энг маъқул йўли эса давлат суд экспертларининг иш юктамасини давлат суд экспертиза муассасалари ва нодавлат суд-экспертиза ташкилотларига тақсимлашдан иборат.

Бу тажриба ҳозирда ижобий натижалар бермоқда. Хориж давлатларининг (жумладан, Мустақил Давлатлар Ҳамдўстлиги мамлакатлари, Грузия, Япония, АҚШ, Швеция ва Франция, Хитой Халқ Республикаси, Германия, Литва Республикаси, Буюк Британия, Голландия ва Италия) суд экспертизалари давлат ва хусусий секторларга ажратилган ҳамда нодавлат суд-экспертиза ташкилотлари, иш юктамаси камроқ бўлганлиги сабабли, тегишли суд экспертизаларини қисқа муддатларда ўтказишди.

Мавжуд хорижий тажрибага кўра нодавлат суд экспертиза ташкилотларини ташкил этиш ва фаолият юритишининг афзалликлари қуйидагилардан иборат:

нодавлат суд-экспертиза ташкилотларининг ҳуқуқни муҳофаза қилувчи органлар ёки давлат органларидан мустақиллиги;

давлат суд экспертиза муассасалари билан биргаликда нодавлат суд-экспертиза ташкилотлари томонидан фаолият юрилиши жиноий, фуқаролик, иқтисодий ва маъмурий процесс иштирокчиларининг тенглигини таъминлашга имкон яратади. Бундай тенглик, процесс иштирокчиларига экспертиза муассасасини танлаш имкониятини яратади. Масалан, баҳсли вазиятларда судлар томонидан уларни қизиқтираётган масала юзасидан хар хил экспертиза ташкилотлари томонидан ўтказилган бир нечта экспертиза хулосаларини олиш имконияти вужудга келади;

давлат суд экспертиза муассасаларида асосан кўп талаб этиладиган экспертиза турлари ўтказилиши ташкил этилган бўлсада, нодавлат суд экспертиза ташкилотлари томонидан ноёб ва кам ҳолларда тайинланадиган экспертизаларни ўтказиш имконияти мавжудлиги;

кўп ҳолларда Давлат суд экспертиза муассасалари томонидан ўтказилиши мумкин бўлган суд экспертизалари нодавлат суд-экспертиза ташкилотларига тайинланади, сабаб - Давлат суд экспертиза муассасаларида эксперт штат бирликларининг чекланганлиги. Нодавлат суд экспертиза ташкилотлари қисқа фурсатда ўз штатларини кенгайтириш имкониятига эга;

мураккаб вазиятларда, судьялар, терговчилар ва айрим вазиятларда процесс

иштирокчилари томонидан суд экспертизаси ўтказилишини муайян нодавлат суд экспертизаси ташкилотига топшириш истаги билдирилиши. Чунки, нодавлат экспертиза ташкилотида алоҳида билим соҳасидаги малакали мутахассис фаолият кўрсатаётганлиги ёки замонавий асбоб-ускуналар мавжудлиги асосий сабаб бўлади;

нодавлат суд-экспертиза ташкилотлари экспертларининг малакавий тайёргарлик даражаси ҳар хил бўлишига қарамай, уларнинг аксариятида юқори малакали экспертлар фаолият кўрсатишади.

нодавлат суд-экспертиза ташкилотлари томонидан нафақат суд экспертизалари, балки юридик ва жисмоний шахсларнинг мурожаатлари асосида турли тадқиқотлар ўтказилади.

Ўзбекистон Республикаси Президентининг 2019 йил 17 январдаги ПҚ-4125-сон “Суд-экспертлик фаолиятини янада такомиллаштириш чора-тадбирлари тўғрисида”ги қарорига мувофиқ 2020 йил 24 мартдаги Вазирлар Маҳкамасининг “Нодавлат суд-экспертиза ташкилотлари фаолиятини ташкил этиш бўйича низомларни тасдиқлаш ҳақида”ги қарори қабул қилинди.

Қарорга мувофиқ ҳукумат томонидан нодавлат суд-экспертиза ташкилотлари фаолиятини ташкил этиш тартиби белгиланди. Унда нодавлат суд-экспертиза ташкилоти юридик шахс шаклида ташкил этилиши, ҳамда фуқаролик, иқтисодий, жиноят ва маъмурий суд ишлари бўйича экспертиза ўтказишга ихтисослаштирилган ва штатида суд эксперти сертификатига эга мутахассислар бўлган ташкилот ҳисобланади деб белгилаб қўйилган.

Суд экспертлари, табиийки, экспертиза тадқиқотларини олиб боришда бир қатор асосий принципларга таянади. Булар – қонунийлик, инсон ҳуқуқ ва эркинликларига риоя этилиши, суд экспертнинг мустақиллиги, текширишларнинг холислиги, ҳар томонлама ва тўлиқлигидир. Фақат суд эксперти бундай ташкилот раҳбари бўлиши мумкин, унинг штати малакавий кўникмаларини ва ихтисослик доирасидаги малака талабларига мувофиқлигини тасдиқловчи суд эксперти сертификатига эга бўлган мутахассислардан шакллантирилади.

Ушбу ҳужжат Х.Сулаймонова номидаги Республика суд экспертизаси маркази, ИИВ Академияси, Фанлар академияси ботаника ва зоология институтлари ёки Бадий академияда қайта тайёрлаш ва малака ошириш бўйича махсус курслардан ўтилганидан кейин берилади. Сертификат эгаларининг барчаси Адлия вазирлигининг расмий сайтида жойлаштирилладиган ягона реестрга киритилади.

Ўзбекистон Республикаси қонунчилигида суд экспертига малака оид талаблар белгиланган. Бундай талаблар Ўзбекистон Республикасининг «Суд экспертизаси тўғрисида»ги қонунида “Давлат суд эксперти лавозимини олий маълумотга, алоҳида ҳолларда эса ўрта махсус, касб-ҳунар маълумотига эга бўлган, муайян суд-эксперт ихтисослиги бўйича кейинги тайёргарликдан ўтган ва Ўзбекистон Республикаси Вазирлар Маҳкамаси томонидан белгиланган тартибда давлат суд эксперти сифатида аттестациядан ўтказилган Ўзбекистон Республикаси фуқароси эгаллаши мумкин. Суд эксперти сифатида жалб этиладиган бошқа ташкилот ходими ва бошқа жисмоний шахс олий маълумотга, алоҳида ҳолларда эса ўрта махсус, касб-ҳунар маълумотига эга бўлиши лозим” деб аниқ белгилаб қўйилган.

Суд эксперти махсус тайёргарликдан ўтиши керак. Бундай тайёргарлик қуйидаги шаклларда амалга оширилади:

- 1) иш жойи бўйича бевосита экспертиза муассасасидаги мустақил тайёргарлик;
- 2) олий таълим муассасаларида ўқув режасига биноан экспертлик мутахассислигини берилиши.

Суд экспертизаларининг аниқ бир тури ва экспертиза мутахассислиги бўйича суд экспертларини тайёрлаш, қайта тайёрлаш ва уларнинг малакасини ошириш тегишли вазирлик ва идоралар томонидан тасдиқланган меъёрий-ҳуқуқий ҳужжатлар асосида амалга оширилади.

Ўзбекистон Республикаси Президентининг 2019 йил 17 январдаги “Суд экспертлик

фаолиятини янада такомиллаштириш чора-тадбирлари тўғрисида”ги ПҚ-4125-сон қарори [4] ва Вазирлар Маҳкамасининг нодавлат суд-экспертиза ташкилотлари фаолиятини ташкил этиш бўйича низомларни тасдиқлаш ҳақидаги 2020 йил 24 мартдаги 180-сонли Қарор [5] билан “Илмий тадқиқотлар натижаларини суд-экспертлик фаолиятига татбиқ этиш, суд экспертизаларини ўтказиш услубиётини такомиллаштириш, суд экспертиза муассасаларининг кадрлар салоҳиятини мустаҳкамлаш суд-экспертлик фаолиятини ривожлантиришнинг устувор йўналишлари” этиб белгилангани боис, ҳозирги кунда суд экспертларига қўйиладиган малака талаблари халқаро стандартларга тўлиқ мослашди.

Республикамызда ташкил қилинган нодавлат суд экспертиза ташкилотларида ҳозирги кунда амалий иш тажрибаси жуда катта бўлган, малакали мутахассислар фаолият юритади.

Республикамызда нодавлат суд экспертиза ташкилотлари фаолиятининг олиб борилиши, нодавлат суд экспертиза ташкилотлари суд экспертларига давлат суд экспертлари каби касбий ва малака талабларнинг бир хилда белгиланиши, шунингдек, нодавлат суд-экспертиза ташкилотлари суд экспертизасини ўтказишда давлат суд-экспертиза муассасалари каби функцияларни амалга ошириши, улар каби ҳуқуққа эга бўлиши ҳамда мажбуриятларни бажариши суд экспертлик фаолиятини янада ривожланиши ва такомиллашишига хизмат қилади. Бу талабларнинг бажарилиши натижасида давлат суд экспертиза муассасалари ва нодавлат суд экспертиза ташкилотлари ўртасида соғлом рақобат юзага келади, суд экспертлик фаолиятининг асосий принциплари - қонунийлик, инсон ҳуқуқ ва эркинликларига риоя этилиши, суд экспертнинг мустақиллиги, суд-эксперт текширишларининг холислиги, ҳар томонламалиги ва тўлиқлиги таъминланади.

Айнан шу сабабли, Ўзбекистон Республикаси Президентнинг юқорида таъкидланган қарориди “нодавлат суд-экспертиза ташкилотлари суд экспертизасини ўтказишда давлат суд-экспертиза муассасалари каби функцияларни амалга оширади, улар каби ҳуқуққа эга бўлади, мажбуриятларни бажаради ва жавобгар ҳисобланади” деб белгиланганлиги сабабли, фан ва техниканинг илғор ютуқлари асосида ўтказиладиган суд экспертиза тадқиқотларининг холислиги, тўлиқлиги ва ҳар томонламалиги – нодавлат суд-экспертиза ташкилотлари фаолиятининг асосий тамойиллари бўлиб қолади.

Нодавлат суд экспертиза ташкилотлари фаолият юритишида яна бир муҳим жиҳат бор. Жумладан, Ўзбекистон Республикаси Вазирлар Маҳкамасининг шу йил 24 мартдаги қарорига асосан, Нодавлат суд-экспертиза ташкилотлари суд экспертларини қайта тайёрлаш, малакаси ва ҳуқуқий билимларини ошириш тартиби тўғрисидаги низом тасдиқланди. Ҳукуматнинг ушбу қарорига кўра, нафақат нодавлат суд-экспертиза ташкилотлари фаолиятини ташкил этиш, балки уларни малакали кадрлар билан таъминлашга ҳам алоҳида эътибор қаратилди.

Суд экспертларини қайта тайёрлашнинг асосий мақсади суд экспертизаларининг муайян тури бўйича назарий билим, амалий кўникма ва малакани шакллантириш, талабгорни нодавлат суд-экспертиза ташкилотида суд эксперти сифатида ишлашга тайёрлашдир. Суд экспертларини қайта тайёрлашда талабгорга (нодавлат суд экспертиза ташкилотининг суд эксперти) қайта тайёрлаш муассасаси (Ўзбекистон Республикаси Адлия вазирлиги ҳузуридаги Х.Сулаймонова номидаги Республика суд экспертизаси маркази, Ички ишлар академияси, Фанлар академиясининг Зоология институти, Ботаника институти ҳамда Ўзбекистон Бадиий академияси) энг малакали амалиётчи мутахассислар тегишли машғулотиларни ўтказадилар ҳамда илмий раҳбар сифатида бириктирилади. Натижада, қайта тайёрлаш курсларини муваффақиятли тамомлаб, тегишли сертификатга эга бўлган нодавлат суд эксперти ташкилоти суд эксперти томонидан ўтказилаётган экспертиза тадқиқотларининг сифати ортади ва қарама-қарши хулоса чиқарилган қайта экспертизалар сони камаяди, соғлом рақобат

муҳитида ёш мутахассислар фаолиятини жорий ва превентив (олдини олувчи) назорат механизми юзага келади.

Юқоридагиларга кўра, бугунги кунда республикада нодавлат суд экспертизаси институтини ташкил этиш бўйича барча шарт-шароитлар яратилган десак муболаға бўлмайди. Ушбу институтни йўлга қўйиш ва мустаҳкамлаш натижасида, ҳуқуқни муҳофаза қилувчи органлар ва судларнинг малакали суд экспертиза хулосаларига бўлган эҳтиёжлари қондирилишига, экспертиза тадқиқотларини ўтказиш муддатларини қисқартирилишига, ҳамда экспертиза соҳасида соғлом рақобатни шакллантирилишига имкон яратилади.

Иқтибослар/Сноски/References::

1. Ўзбекистон Республикасининг «Суд экспертизаси тўғрисида»ги 2010 йил 1 июнь қонуни / Ўзбекистон Республикаси қонун ҳужжатлари тўплами. – Тошкент, 2010. – 22–сон. – 173-м.

2. Давлат суд-экспертиза муассасаси ёки бошқа корхона, муассаса, ташкилот томонидан суд экспертизасини ўтказиш тартиби тўғрисида Намунавий Низом/ Ўзбекистон Республикаси Вазирлар Маҳкамасининг 2011 йил 5 январдаги 5-сон қарорига илова, «Ўзбекистон Республикаси қонун ҳужжатлари тўплами», 2011 йил, 1-2-сон, 7-м.

3. Ўзбекистон Республикаси Президентининг 2017 йил 8 февралдаги «Қонун ҳужжатларини тарқатиш тизимини тубдан такомиллаштириш чора-тадбирлари тўғрисида»ги ПҚ-2761-сонли Қарори / Ўзбекистон Республикаси қонун ҳужжатлари тўплами, 2017 й., 6-сон, 76-м.

4. Ўзбекистон Республикаси Президентининг 2019 йил 17 январдаги «Суд-экспертлик фаолиятини янада такомиллаштириш чора-тадбирлари тўғрисида»ги ПҚ-4125-сон қарори / Қонун ҳужжатлари маълумотлари миллий базаси, 19 январь 2019. 07/19/4125/2510-сон.

5. Нодавлат суд-экспертиза ташкилотлари фаолиятини ташкил этиш тартиби тўғрисида Низом Ўзбекистон Республикаси Вазирлар Маҳкамасининг нодавлат суд-экспертиза ташкилотлари фаолиятини ташкил этиш бўйича низомларни тасдиқлаш ҳақидаги 2020 йил 24 мартдаги 180-сонли Қарорига илова/ Қонун ҳужжатлари маълумотлари миллий базаси, 25.03.2020 й., 09/20/180/0356-сон, 09.09.2020 й., 09/20/544/1265-сон).